

ქალაქ ფოთის მუნიციპალიტეტის გენდერული თანასწორობის საბჭოს სხდომის

ოქმი №1

ქალაქი ფოთი

21 თებერვალი, 2022 წელი

---

სხდომას თავმჯდომარეობდა:

ქალაქ ფოთის მუნიციპალიტეტის გენდერული თანასწორობის საბჭოს თავმჯდომარე მაია დოლბაია.

ესწრებოდნენ ქალაქ ფოთის მუნიციპალიტეტის გენდერული საბჭოს წევრები: შალვა სარდალიშვილი, ალექსანდრე ტყებუჩავა, ნანა ვეკუა, ნანა საბულუა, ირაკლი კიკალეიშვილი, მალხაზ ფოჩხუა, თამარ თოფურია, ლელა ჩიჩუა, აკაკი დარჯანია, თეონა ახალაია, ნინო გვასალია, გვანცა გვაძაბია, ქეთევან ლორია, შორენა წაბრია, ნონა სილაგავა, ეკატერინე ფაჩულია, ეთერ ცოტნიაშვილი, ნონა ხუხია, ინგა გვასალია, შორენა მირცხულავა, ეკატერინე ტუღუში, სანდრო გუგუშვილი.

ქალაქ ფოთის მუნიციპალიტეტის გენდერული თანასწორობის საბჭოს 2022 წლის  
პირველ სხდომაზე განსახილველ საკითხთა ნუსხა:

1. ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურში გენდერული თანასწორობის შესახებ გათვალისწინებული პროგრამების თაობაზე  
/მომხსენებელი: ირაკლი ლეჟავა - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის დევნილთა განყოფილების უფროსი/
2. ქალაქ ფოთის მუნიციპალიტეტის მერიის ადმინისტრაციული სამსახურის ბავშვთა უფლებების დაცვისა და მხარდაჭერის განყოფილების ანგარიში გაწეული მუშაობის შესახებ  
/მომხსენებელი: შორენა წაბრია - ქალაქ ფოთის მუნიციპალიტეტის მერიის ადმინისტრაციული სამსახურის ბავშვთა უფლებების დაცვისა და მხარდაჭერის განყოფილების უფროსი /
3. ასოციაცია "თავისუფალი თაობის" გამგეობის თავმჯდომარისა და "სოციალურ მუშაკთა რეგიონალური ასოციაციის" აღმასრულებელი დირექტორის შორენა მირცხულავას 2022 წლის 14 თებერვლის განცხადების შესახებ  
/მომხსენებელი: მაია დოლბაია - ქალაქ ფოთის მუნიციპალიტეტის გენდერული თანასწორობის საბჭოს თავმჯდომარე/

გენდერული თანასწორობის საბჭოს თავმჯდომარემ მაია დოლბაიამ საბჭოს წევრებს მისასალმებელი სიტყვით მიმართა.

როგორს მან აღნიშნა, გენდერული თანასწორობა ადამიანის უფლებაა, ქალებს უფლება აქვთ იცხოვრონ ღირსეულად, შიშისა და სიღარიბის გარეშე. გენდერული ბალანსი გულისხმობს ქალისა და მამაკაცის თანაბარ წარმოჩენას, უფლებამოსილებას, პასუხისმგებლობას და თანაბარ მონაწილეობას პირადი და საზოგადოებრივი ცხოვრების ყველა სფეროში. თუმც, ეს ჩვენს რეალობაში ირღვევა. საქართველოს კანონმდებლობა ასახავს გენდერული თანასწორობის ძირითად პრინციპებს, რაც შესაბამისობაში მოდის საერთაშორისო ვალდებულებებთან. მიუხედავად წინ გადადგმული ნაბიჯებისა, ქვეყანა ჯერ კიდევ დგას გამოწვევების წინაშე ეკონომიკურ, სოციალურ ცხოვრებაში გენდერული თანასწორობის მისაღწევად. საქართველოს პარლამენტში შექმნილია გენდერული თანასწორობის მუდმივმოქმედი საბჭო, ასევე ჩართულია საზოგადოებოებრივი სექტორი, სამოქალაქო საზოგადოება, საერთაშორისო ორგანიზაციები, მედია, არასამთავრობო სექტორი, რაც ხელს შეუწყობს თანასწორობას, ანტიდისკრიმინაციულ პრინციპებზე დაფუძნებული საზოგადოების მშენებლობას.

ჩვენი გენდერული საბჭოს საქმიანობის პრიორიტეტი უნდა გახდეს სიღარიბის დამლევა, სოციალური სერვისები, დასაქმება, ეკონომიკურ და სოციალურ გამოწვევებთან გამკლავება, ქალებისა და გოგონების ეკონომიკური და სოციალური გაძლიერება, შშმ პირების, სოციალურად დაუცველების, მარტოხელების, დევნილების უფლებების დაცვა, მათი მულტისექტორული განვითარება, განათლება, ხელმისაწვდომობა სფეროებზე განურჩევლად მრწამსისა და ეთნიკური კულტურული განვითარებისა. ოჯახური ძალადობის აღმოფხვრა, გასამკაცრებელია ზომები და მისაღებია საპრევენციო მექანიზმები ფემიციდის კუთხით. ჩვენი შეხვედრა იქნება სასტარტო წერტილი, რომელიც ახალ შესაძლებლობას შემოგვთავაზებს. ჩვენი ჩართულობა უნდა იყოს რეალური. როდესაც ქალი ძლიერია-იქ, ცხოვრების სტანდარტი მაღალია. ქალის ხმა - ძლიერი ხმაა და ის, სწორად უნდა იყოს გაედერებული და მიტანილი ადრესატამდე. ჩვენი საბჭოს საქმიანობა და გეგმები დაფუძნებული იქნება ადამიანის უფლებების დაცვის ეროვნულ სტრატეგიაზე.

მუნიციპალიტეტს აქვს ჯანდაცვისა და სოც. მომსახურების პროგრამები. ბიუჯეტი გაიზარდა 3.694.000 ლარამდე, ასევე გენდერის მიმსართულებით 7.000ლ. არის სხ/სხ პროგრამები და ქვეპროგრამები>ა) მარტოხელა მშობლების დახმარება. ბ) ოჯახური ძალადობის მსხვერპლთა დაცვისა და დახმარების ,გ) უსინათლო და სმენადაქვეითებულებისთვის დახმარება, თავსესაფრის გარეშე დარჩენილთა და სხვა ქვეპროგრამები. ასევე საინტერესო პროგრამები აქვთ ფონდი 2015, ასოციაცია „დიოსკურია“, ასოციაცია თავისუფალი თაობა -. ურნალისტთა ქსელი გენდერული თანასწორობისათვის.

საჭიროა სწორი კოორდინაცია, რათა საქმიანობა იყოს ეფექტური, შედეგზე ორიენტირებული. იმ პროგრამებისა გასახორციელებლად, რაც ჩვენს ქალბატონებზე და გოგონებზე უნდა აისახოს. ვემიჯნები ყოველგვარ დაპირისპირებას, გენდერი არის თემა, რომლის ირგვლივ ვერთანდებით პოლიტიკური წარმომავლობის მიუხედავად.

მინდა ვიყო საჭირო დროს, საჭირო ადგილზე, საჭირო ადამიანი!- განაცხადა საბჭოს თავმჯდომარემ.

**მოისმინეს:** ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურში გენდერული თანასწორობის შესახებ გათვალისწინებული პროგრამების თაობაზე

**მომხსენებელი:** ირაკლი ლეჟავა - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის დევნილთა განყოფილების უფროსი

ირაკლი ლეჟავამ ისაუბრა ქალაქ ფოთის მუნიციპალიტეტის 2022 წლის ბიუჯეტში გათვალისწინებული პროგრამებზე, რომლებსაც ახორციელებს ჯანმრთელობისა და სოციალური დაცვის სამსახური. ჯამურად პროგრამებზე გასათვალისწინებელი თანხა შეადგინს 3 924 200 ლარს, რაც 2021 წლის ბიუჯეტთან შედარებით გაზრდილია 200 000 ლარზე მეტით. სამსახური ახორციელებს 32 პროგრამასა და 6 ქვეპროგრამას, რაც სრულად პასუხობს მოქალაქეთა მოთხოვნა-საჭიროებებს.

თუმცა, მე მინდა გავამახვილო ყურადღება პროგრამული ჩამონათვალიდან იმ რამდენიმე პროგრამაზე, რომელიც მეტად მგრძნობიარება გენდერულ ჭრილში - აღნიშნა ი. ლეჟავამ

- 1) მარტოხელა მშობელთა დახმარება (ყოველთვიური მატერიალური დახმარება მარტოხელა მშობლებს 50 ლარის ოდენობით, მოზარდის 17 წლის ასაკის შესრულებამდე.)
- 2) თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა (ფორსმაჟორის შემთხვევაში დაზარალებული ოჯახის (მოქალაქის) სასტუმროში განთავსება და დაბინავების ხარჯები ანაზღაურდეს ამ პროგრამის ფარგლებში, გონივრულ ვადაში, ალტერნატიული ფართის მოძიებამდე.)
- 3) მრავალშვილიანი ოჯახების ყოველთვიური დახმარება. მრავალშვილიანის მშობლები (განქორწინების შემთხვევაში მშობელი) უნდა იყვნენ რეგისტრირებული და მუდმივად მცხოვრები ქალაქ ფოთის მუნიციპალიტეტის ტერიტორიაზე, რომლებიც ზრდიან 3 და მეტ არასრულწლოვან მოზარდს (უფროსი შვილის 17 წლის ასაკის შესრულებამდე), უმცროს შვილზე მიზანშეწონილია დაენიშნოს ყოველთვიური მატერიალური დახმარება:

3-შვილიან ოჯახს – 50 ლარი; 4-შვილიან ოჯახს – 100 ლარი; 5-შვილიან ოჯახს – 190 ლარი;  
6-შვილიან ოჯახს – 220 ლარი; 7-შვილიან ოჯახს – 300 ლარი; 8 და მეტ-შვილიან ოჯახს – 450 ლარი.

ქვეპროგრამის ბენეფიციარია დაახლოებით 300-მდე ოჯახი.

- 4) სადღესასწაულო დღეებთან დაკავშირებული დახმარებები:  
პროგრამა ითვალისწინებს სადღესასწაულო დღეებში შემდეგი კატეგორიის ბენეფიციარების მატერიალურ წახალისებას:
  - ა) დედით, მამითა და დედ-მამით ობლები 17 წლამდე ასაკის – 100 ლარი წელიწადში ერთჯერ.
  - ბ) შეზღუდული შესაძლებლობების მქონე პირები 17 წლამდე ასაკის მოზარდები – 100 ლარი წელიწადში ორჯერ.
- 5) სოციალურად დაუცველი სტუდენტების მხარდაჭერა.  
ქალაქ ფოთის მუნიციპალიტეტში რეგისტრირებული სოციალურად დაუცველი სტუდენტებისათვის მატერიალურ წახალისებას, სწავლის დაფინანსების მიზნით,

**კერძოდ:** სოციალურად დაუცველი სტუდენტისთვის, რომლის ოჯახის სარეიტინგო ქულა არ აღემატება 70 000-ს წელიწადში ერთჯერ – 1000 ლარის ოდენობით.

ეს მცირე ჩამონათვალია იმ მრავალრიცხოვანი პროგრამისა, რაც რეალურად აძლიერებს ოჯახებს ფინანსურად და ეკონომიურად, რაც როგორც სამსახურეობრივი, ისევე პოზიტიური ვალდებულებაა ჩვენი მუნიციპალიტეტის იზრუნოს თითოეული ოჯახის კეთილდღეობასა და გაძლიერებაზე - აღნიშნა ი. ლექავამ

**აზრი გამოთქვეს საბჭოს წევრებმა:** მ. დოლბაიამ, შ. მირცხულავამ, ნ. სილოგავამ

( ანგარიში ოქმს თან ერთვის)

**მოისმინებს:** ქალაქ ფოთის მუნიციპალიტეტის მერიის ადმინისტრაციული სამსახურის ბავშვთა უფლებების დაცვისა და მხარდაჭერის განყოფილების ანგარიში გაწეული მუშაობის შესახებ

**მომხსენებელი:** შორენა წაბრია - ქალაქ ფოთის მუნიციპალიტეტის მერიის ადმინისტრაციული სამსახურის ბავშვთა უფლებების დაცვისა და მხარდაჭერის განყოფილების უფროსი

შორენა წაბრიამ ისაუბრა მერიის ადმინისტრაციული სამსახურის ბავშვთა უფლებების დაცვისა და მხარდაჭერის განყოფილების შესახებ. როგორც მან აღნიშნა სტრუქტურული ერთეულის საქმიანობა მოიცავს ბავშვის უფლებების დაცვისა და მხარდაჭერის მომსახურების ისეთ სფეროებს, როგორიცაა:

ა) ბავშვის უფლებების დაცვის მუნიციპალური პროგრამების შემუშავება, მათი განხორციელების კოორდინაცია, განხორციელების პროცესის მონიტორინგი და შეფასება;

ბ) მუნიციპალიტეტის ტერიტორიაზე ბავშვის დაცვისა და მხარდაჭერის განმახორციელებელი სოციალური მუშაკების ქსელის შექმნა და მათი სამოქმედო უბნების განსაზღვრა;

გ) ბავშვის დაცვისა და მხარდაჭერის სახელმწიფო პროგრამების განსახორციელებლად შესაბამის დაწესებულებებთან კოორდინირებული მუშაობა;

დ) არასამთავრობო და საერთაშორისო ორგანიზაციების მიერ ბავშვის უფლებების დაცვისა და მხარდაჭერის პროგრამების განხორციელების კოორდინაცია;

მოქმედი კანონმდებლობის შესაბამისად, ჩვენი განყოფილება საკუთარი და დელეგირებული უფლებამოსილებების განსახორციელებლად უზრუნველყოფილია სათანადო კვალიფიკირების მქონე პერსონალით, მათ შორის გვყავს ორი სოციალური მუშაკი, რომლებმაც გაიარეს შესაბამისი

სერტიფიცირების პროგრამა, ასევე ბავშვის ჯანმრთელობის მართვის სპეციალისტი, ბავშვის სამართლებრივი დახმარების სპეციალისტი და ფსიქოლოგი.

ასევე უნდა აღინიშნოს, რომ ბავშვთა კოდექსის ამოქმედებასთან ერთად საქართველოში მოქმედებს ცხელი ხაზის ნომერი 111, აღნიშნულ ცხელ ხაზზე შესული შეტყობინებების გადმომისამართება ხდება ჩვენს განყოფილებაში, თუ ბავშვი იმყოფება ან რეგისტრირებულია ჩვენი მუნიციპალიტეტის ტერიტორიაზე. ჩვენი კომპეტენციის განხორციელების პროცესში მიუხედავად პანდემიისა უნდა აღინიშნოს ჩვენს მიერ განხორციელებული შემდეგი ღონისძიებები:

კანონმდებლობის მოთხოვნებიდან გამომდინარე ჩვენ შექმნილი გვაქვს სოც მუშაკთა ქსელი, ვინაიდან გვყავს ორი სოც მუშაკი მუნიციპალიტეტის ტერიტორიული ორგანოები გვაქვს გადანაწილებული.

შემოსული განცხადების ან მესამე პირების მიერ განხორციელებული შეტყობინების საფუძველზე ვიწყებთ ადმინისტრაციულ წარმოებას, წარმოების ფარგლებში ვიკვლევთ საქმისთვის მნიშვნელობის მქონე ყველა გარემოებას, ვავსებთ სკრინინგის ფორმებს და საჭიროების შემთხვევაში წარმოებაში ერთვება ჯანდაცვის, სამართლებრივი დახმარების სპეციალისტი და ფსიქოლოგი.

იმისთვის რომ გვქონდეს სრულყოფილი ბაზები შექმნილი ვმონაწილეობთ ჯანდაცვის სამსახურში სოციალური პროგრამების განსახორციელებლად შექმნილ კომისიის მუშაობაში,

ჩვენ აქტიურად ვთანამშრომობთ სოციალური მომსახურების სააგენტოსტან, სახელმწიფო ზრუნვისა და ტრეფიკინგის მსხვერპლთა, დაზარალებულთა დაცვისა და დახმარების სააგენტოსთან - აღნიშნა ბავშვთა უფლებების დაცვისა და მხარდაჭერის განყოფილების უფროსმა.

აზრი გამოთქვეს საბჭოს წევრებმა: მ. დოლბაიამ, შ. სარდალიშვილმა, ი. გვასალიამ  
( ანგარიში ოქმს თან ერთვის)

#### **მოისმინეს:**

ასოციაცია "თავისუფალი თაობის" გამგეობის თავმჯდომარისა და "სოციალურ მუშაკთა რეგიონალური ასოციაციის" აღმასრულებელი დირექტორის შორენა მირცხულავას 2022 წლის 14 თებერვლის განცხადების (შემდგომში- განცხადება) შესახებ ინფორმაცია.

ქალაქ ფოთის მუნიციპალიტეტის მერიის  
ჯანმრთელობისა და სოციალური დაცვის სამსახურის  
დევნილთა განყოფილების უფროსი ირაკლი ლეჯავა

მოგესალმებით, ქალბატონებო და ბატონებო, გისურვებთ ნაყოფიერ სამუშაო შეხვედრას, მინდა წარმოგიდგინოთ და გესაუბროთ მუნიციპალიტეტის 2022 წლის ბიუჯეტის პროექტზე, მიმდინარე და განსახორციელებელ პროგრამებზე, რომლებიც მეტად მგრძნობიარეა გენდერულ ჭრილში, ამასთან პასუხობს ყველა იმ მოთხოვნასა და საჭიროებებს, რაც ამჟამად აწუხებს ჩვენს თანაქალაქელებს.

ბიუჯეტს განხილვამდე, მოკლედ ვისაუბრებ გენდერული საბჭოს როლზე, რადგან, მოგეხსენებათ „გენდერული თანასწორობის შესახებ“ საქართველოს კანონში შეტანილი ცვლილებების თანახმად, მუნიციპალიტეტის ორგანოები, საკანონმდებლო აქტებისა და მუნიციპალკიტეტის საკრებულოს ნორმატიული ადმინისტრაციულ-სამართლებრივი აქტების შესაბამისად, ვალდებული არიან, შეიმუშავონ და განახორციელონ შესაბამისი ღონისმიერები, რომლებიც მიმართული იქნება ადგილზე დისკრიმინაციის გამოვლენისა და აღმოფხვრის უზრუნველსაყოფად.

მუნიციპალიტეტში გენდერული თანასწორობის პოლიტიკის დანერგვისა და მისი ეფექტურად განხორციელებისა და უზრუნველყოფის მიზნით შექმნილია გენდერული თანასწორობის მექენიზმები - მუნიციპალიტეტის მერიაში გენდერული თანასწორობის საკითხებზე პასუხისმგებელი პირი და საკრებულოში გენდერული თანასწორობის საბჭო, რომლებიც დაკავებული არიან შესაბამისი ღონისმიერებით განავითარონ და გააძლიერონ ქალთა უფლებრივი ცოდნა და მათი ეკონომიკური გაძლიერება.

ამ მხრივ, ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახური ახორციელებს გენდერული თანასწორობის ხელშემწყობ პროგრამას, რომლის წლიური ბიუჯეტია 7.0 ათასი ლარი.

გენდერული თანასწორობის ხელშეწყობის პროგრამით გათვალისწინებულია ქალების ცნობიერების ამაღლება. მეწარმე ქალთა გაძლიერება, ქალთა ჩართულობის ზრდა და მონაწილეობა საზოგადოებრივ ცხოვრებაში თანასწორი უფლებებითა და შესაძლებლობებით.

ქალთა ეკონომიკურ გაძლიერებაზე მიმართული ინიციატივების გამოვლენა. საზოგადოებრივ და ეკონომიკურ ცხოვრებაში ქალთა აქტიური ჩართულობისა და გაძლიერების ხელშეწყობა.

ასევე, მინდა ვისაუბრო ერთ-ერთ მნიშვნელოვან და მწვავე თემაზე, როგორიცაა საქართველოში ოჯახში ძალადობა და ქალთა მიმართ ძალადობის წინააღმდეგ ბრძოლა. ამ ბრძოლის ეფექტიანობა პირდაპირპროპორციულადაა დამოკიდებული ძალადობის წინააღმდეგ მოქმედი ყველა უწყების მიერ დაკისრებული როლის გაზიარებასა და მოვალეობათა პირნათლად შესრულებაზე. ამასთან, დიდი როლი უჭირავს საზოგადოებას და მუნიციპალიტეტს.

მოგეხსენებათ, 2017 წლიდან ქალთა მიმართ ძალადობისა და ოჯახში ძალადობის პრევენციის და აღკვეთის შესახებ „ევროპული საბჭოს კონვენციის რატიფიკაციის შემდეგ, ცვლილებები შევიდა სხვადასხვა ნორმატიულ აქტებში, რამაც დააყენა დღის წესრიგში ისეთი საკითხი,

როგორიცაა, ადგილობრივ დონეზე მუნიციპალიტეტებს დაევალა, შექმნა და ემუშავა მსგავს პრობლემებზე, რაც აღკვეთდა და მხარეების გაძლიერების მიზნით შესაბამის ღონისძიებებს გაატარებდა.

ამ მხრივ, 2022 წლის ბიუჯეტში 3.6 ათასი ლარი გვაქვს გათვალისწინებული, ეს პროგრამა ითვალისწინებს „ოჯახში ძალადობის აღკვეთის, ოჯახში ძალადობის მსხვერპლთა დაცვისა და დახმარების შესახებ“ საქართველოს კანონის შესაბამისად, მოქალაქეზე (მსხვერპლზე), რომლის უფლებები დაირღვა და სტატუსი განუსაზღვრა საქართველოს შინაგან საქმეთა სამინისტროს შესაბამისმა სამსახურმა ან/და სასამართლო ორგანომ ან/და ოჯახში ძალადობის მსხვერპლის სტატუსის განმსაზღვრელმა ჯგუფმა (მსხვერპლის იდენტიფიცირების ჯგუფმა) სტატუსის მინიჭების შემდგომ – ერთჯერადად 300 ლარის გაცემას.

ასევე გენდერულ თემებზე რომ ვისაუბროთ, გამოსაყოფია მუნიციპალიტეტის 2021 და 2022 წლის ბიუჯეტის პროექტები, რადგან ის თავისი მრავალფეროვნებით გამორჩეულია რიგ მუნიციპალიტეტებს შორის.

ქალაქ ფოთის მუნიციპალიტეტის 2022 წლის ბიუჯეტში გათვალისწინებული პროგრამები, რომლებსაც ახორციელებს ჯანმრთელობისა და სოციალური დაცვის სამსახური, ჯამურად შეადგენს 3 924 200 ლარს, რაც გაზრდილია 200 000 ლარზე მეტიც 2021 წლის ბიუჯეტთან შედარებით, ჯამში სამსახური ახორციელებს 32 პროგრამასა და 6 ქვეპროგრამას, რაც სრულად პასუხობს მოქალაქეთა მოთხოვნა-საჭიროებებს.

თუმცა, მე მინდა გავამახვილო ყურადღება პროგრამული ჩამონათვალიდან იმ რამოდენიმე პროგრამაზე, რომელიც მეტად მგრძნობიარება გენდერულ ჭრილში.

ზემოთ აღნიშნული ორი პროგრამა, რაც ერთმნიშვნელობგნად გენდერზეა გათვლილი, ამასთანავე იგივე პროგრამები, როგორიცაა:

- 1) მარტოხელა მშობელთა დახმარება (ყოველთვიური მატერიალური დახმარება მარტოხელა მშობლებს 50 ლარის ოდენობით, მოზარდის 17 წლის ასაკის შესრულებამდე.)
- 2) თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა (ფორსმაჟორის შემთხვევაში დაზარალებული ოჯახის (მოქალაქის) სასტუმროში განთავსება და დაბინავების ხარჯები ანაზღაურდეს ამ პროგრამის ფარგლებში, გონივრულ ვადაში, ალტერნატიული ფართის მოძიებამდე.)
- 3) მრავალშვილიანი ოჯახების ყოველთვიური დახმარება.  
მრავალშვილიანის მშობლები (განქორწინების შემთხვევაში მშობელი) უნდა იყვნენ რეგისტრირებული და მუდმივად მცხოვრები ქალაქ ფოთის მუნიციპალიტეტის ტერიტორიაზე, რომლებიც ზრდიან 3 და მეტ არასრულწლოვან მოზარდს (უფროსი შვილის 17 წლის ასაკის შესრულებამდე), უმცროს შვილზე მიზანშეწონილია დაენიშნოს ყოველთვიური მატერიალური დახმარება:

3-შვილიან ოჯახს – 50 ლარი; 4-შვილიან ოჯახს – 100 ლარი; 5-შვილიან ოჯახს – 190 ლარი; 6-შვილიან ოჯახს – 220 ლარი; 7-შვილიან ოჯახს – 300 ლარი; 8 და მეტ-შვილიან ოჯახს – 450 ლარი.

ქვეპროგრამის ბენეფიციარია დაახლოებით 300-მდე ოჯახი.

- 4) სადღესასწაულო დღეებთან დაკავშირებული დახმარებები:  
პროგრამა ითვალისწინებს სადღესასწაულო დღეებში შემდეგი კატეგორიის ბენეფიციარების მატერიალურ წახალისებას:

- ა) დედით, მამითა და დედ-მამით ობლები 17 წლამდე ასაკის – 100 ლარი წელიწადში ერთჯერ.
- ბ) შეზღუდული შესაძლებლობების მქონე პირები 17 წლამდე ასაკის მოზარდები – 100 ლარი წელიწადში ორჯერ.
- 5) სოციალურად დაუცველი სტუდენტების მხარდაჭერა.
- ქალაქ ფოთის მუნიციპალიტეტში რეგისტრირებული სოციალურად დაუცველი სტუდენტებისათვის მატერიალურ წახალისებას, სწავლის დაფინანსების მიზნით, კერძოდ: სოციალურად დაუცველი სტუდენტისთვის, რომლის ოჯახის სარეიტინგო ქულა არ აღემატება 70 000-ს წელიწადში ერთჯერ – 1000 ლარის ოდენობით.

ეს მცირე ჩამონათვალია იმ მრავალრიცხოვანი პროგრამისა, რაც რეალურად აძლიერებს ოჯახებს ფინანსურად და ეკონომიურად, რაც როგორც სამსახურეობრივი, ისევე პოზიტიური ვალდებულებაა ჩვენი მუნიციპალიტეტის იზრუნოს თითოეული ოჯახის კეთილდღეობასა და გაძლიერებაზე.

ქალაქ ფოთის მუნიციპალიტეტის მერიის

ადმინისტრაციული სამსახურის ბავშვთა

უფლებების დაცვისა და მხარდაჭერის

განყოფილების უფროსი შორენა წაბრია

საქართველოს პარლამენტის ბავშვთა უფლებათა კოდექსი მიიღო. ეს ყოვლისმომცველი სამართლებრივი დოკუმენტია, რომელსაც საქართველოში ბავშვების ცხოვრების გარდაქმნა შეუძლია.

აღნიშნული კოდექსის შემუშავება სამწლიან პროცესს მოიცავს, რომელიც მიმდინარეობდა გაეროს ბავშვთა ფონდთან მჭიდრო თანამშრომლობითა და ევროკავშირის მხარდაჭერით.

ბავშვის უფლებათა კოდექსი შემდეგ ძირითად პრინციპს ეყრდნობა: ყველა სამართლებრივი და ადმინისტრაციული პროცედურა უნდა განხორციელდეს ბავშვის საუკეთესო ინტერესების გათვალისწინებით.

ეს კოდექსი წარმოადგენს დოკუმენტს, რომლითაც უნდა იხელმძღვანელონ საქართველოს ხელისუფლების ორგანოებმა, მუნიციპალიტეტის ორგანოებმა, სხვა ადმინისტრაციულმა ორგანოებმა, საერთო სასამართლოებმა, საჯარო და კერძო სამართლის სუბიექტებმა და ფიზიკურმა პირებმა ბავშვებთან და ბავშვის საკითხებთან დაკავშირებული საქმიანობის განხორციელების დროს. პრაქტიკაში აღნიშნული კოდექსი უადვილებს ბავშვებს დამოუკიდებლად დაიცვან თავიანთი უფლებები მართლმსაჯულების ბავშვზე მორგებული ინსტიტუტებისა და სხვა მექანიზმების საშუალებით.

რაც შეეხება მუნიციპალიტეტის ორგანოებს, საქართველოს კანონი „ბავშვის უფლებათა კოდექსის“ 96-ე მუხლის შესაბამისად, იღებენ ყველა საჭირო სამართლებრივ, ადმინისტრაციულ და სხვა ზომას ბავშვის უფლებრივ მდგომარეობაზე ზეგავლენის შეფასების დასაწერგად მუნიციპალიტეტის ორგანოების მიერ ადგილობრივი მნიშვნელობის სამართლებრივი აქტის შემუშავებისას ან/და გადაწყვეტილების მიღებისას ნებისმიერ საკითხზე, რომელიც პირდაპირ ან ირიბად გავლენას მოახდენს ბავშვის ან ბავშვთა ჯგუფის უფლებებზე, ხელს უწყობენ მუნიციპალიტეტის საქმიანობაში ბავშვთა თანაბარ და ეფექტიან

მონაწილეობას და უზრუნველყოფენ მუნიციპალიტეტის ორგანოების მიერ განხორციელებული ადმინისტრაციული წარმოების პროცესში ბავშვზე მორგებული მართლმსაჯულების მიღების დანერგვას.

კომპეტენციის ფარგლებში ბავშვის ძირითადი უფლებებისა და თავისუფლებების დაცვისა და მხარდაჭერის სისტემის მართვის მიზნით ყველა მუნიციპალიტეტში, მათ შორის რათქმაუნდა ფოთში, ქალაქ ფოთის მუნიციპალიტეტის მერიის ადმინისტრაციულ სამსახურში შეიქმნა სტრუქტურული ერთეული, ბავშვთა უფლებების დაცვისა და მხარდაჭერის განყოფილება, რომელიც შეიმუშავებს ბავშვის უფლებების დაცვისა და მხარდაჭერის პროგრამებს და უზრუნველყოფს მათ მართვას, მათი განხორციელების კონტროლს საკუთარი ან დელეგირებული უფლებამოსილების ფარგლებში.

სტრუქტურული ერთეულის საქმიანობა მოიცავს ბავშვის უფლებების დაცვისა და მხარდაჭერის მომსახურების ისეთ სფეროებს, როგორიცაა:

- ა) ბავშვის უფლებების დაცვის მუნიციპალური პროგრამების შემუშავება, მათი განხორციელების კოორდინაცია, განხორციელების პროცესის მონიტორინგი და შეფასება;
- ბ) მუნიციპალიტეტის ტერიტორიაზე ბავშვის დაცვისა და მხარდაჭერის განმახორციელებელი სოციალური მუშაკების ქსელის შექმნა და მათი სამოქმედო უბნების განსაზღვრა;
- გ) ბავშვის დაცვისა და მხარდაჭერის სახელმწიფო პროგრამების განსახორციელებლად შესაბამის დაწესებულებებთან კოორდინირებული მუშაობა;
- დ) არასამთავრობო და საერთაშორისო ორგანიზაციების მიერ ბავშვის უფლებების დაცვისა და მხარდაჭერის პროგრამების განხორციელების კოორდინაცია;

მოქმედი კანონმდებლობის შესაბამისად, ჩვენი განყოფილება საკუთარი და დელეგირებული უფლებამოსილებების განსახორციელებლად უზრუნველყოფილია სათანადო კვალიფიკაციის მქონე პერსონალით, მათ შორის გვყავს ორი სოციალური მუშაკი, რომლებმაც გაიარეს შესაბამისი სერტიფიცირების პროგრამა, ასევე ბავშვის ჯანმრთელობის მართვის სპეციალისტი, ბავშვის სამართლებრივი დახმარების სპეციალისტი და ფსიქოლოგი.

ასევე უნდა აღინიშნოს რომ ბავშვთა კოდექსის ამოქმედებასთან ერთად საქართველოში მოქმედებს ცხელი ხაზის ნომერი 111, აღნიშნულ ცხელ ხაზზე შესული შეტყობინებების

გადმომისამართება ხდება ჩვენს განყოფილებაში, თუ ბავშვი იმყოფება ან რეგისტრირებულია ჩვენი მუნიციპალიტეტის ტერიტორიაზე.

ჩვენი კომპეტენციის განხორციელების პროცესში მიუხედავად პანდემიისა უნდა აღინიშნოს ჩვენს მიერ განხორციელებული შემდეგი ღონისძიებები:

კანონმდებლობის მოთხოვნებიდან გამომდინარე ჩვენ შექმნილი გგავს სოც მუშავთა ქსელი, ვინაიდან გვყავს ორი სოც მუშავი მუნიციპალიტეტის ტერიტორიული ორგანოები გვაქვს გადანაწილებული.

შემოსული განცხადების ან მესამე პირების მიერ განხორციელებული შეტყობინების საფუძველზე ვიწყებთ ადმინისტრაციულ წარმოებას, წარმოების ფარგლებში ვივლევთ საქმისთვის მნიშვნელობის მქონე ყველა გარემოებას, ვავსებთ სკრინინგის ფორმებს და საჭიროების შემთხვევაში წარმოებაში ერთვება ჯანდაცვის, სამართლებრივი დახმარების სპეციალისტი და ფსიქოლოგი.

იმისთვის რომ გვქონდეს სრულყოფილი ბაზები შექმნილი ვმონაწილეობთ ჯანდაცვის სამსახურში სოციალური პროგრამების განსახორციელებლად შექმნილ კომისიის მუშაობაში,

ჩვენ აქტიურად ვთანამშრომობთ სოციალური მომსახურების სააგენტოსტან, სახელმწიფო ზრუნვისა და ტრეფიკინგის მსხვერპლთა, დაზარალებულთა დაცვისა და დახმარების სააგენტოსთან ასევე

იუსტიციის სამინისტროს სსიპ დანაშაულის პრევენციის,

არასაპატიმრო სასჯელთა აღსრულებისა და პრობაციის ეროვნული სააგენტოსთან, აღნიშნული თანამშრომლობის ფარგლებში ჩვენ ვუზრუნველყავით კანონთან კონფლიქტის მყოფი ბავშვების გათვალისწინება სადღესასწაულო დღეებთან დაკავშირებით მუნიციპალიტეტის მიერ გაცემული სოციალური პაკეტების დარიგებისას,

---

ასევე ვთანამშრომლობთ არასამთავრობო ორგანიზაციასთან „ბავშვთა კეთილდღეობის ლიგასთან“ რომელიც სისტემატიურად ახორციელებს სოც მუშავების გადამზადების პროცესს "ბავშვის უფლებათა კოდექსის იმპლემენტაციის ხელშეწყობასტან დაკავშირებით "

ასევე უნდა აღინიშნოს რომ პარლამენტში შექმნილია ბავშვის უფლებათა დაცვის მუდმივმოქმედი საპარლამენტო საბჭო სამოქმედო გეგმით გათვალისწინებული ამოცანის შესასრულებლად, ჩვენს მიერ დამუშავდა ადგილობრივი თვითმმართველობაში არსებული ბავშვთა დაცვის მომსახურებების შესახებ ინფორმაცია, და ქვეყნის მაშტაბით შეიქმნება ერთიანი ბაზა. აღნუშნულ პორტალზე განტავსებული ინება სატელეფონო ცხელი ხაზი, სოციალური მომსახურებები,

ჯანმრთელობის მხარდაჭერის მომსახურებები, ფორმალური განათლების სერვისები,

არაფორმალური საგანმანათლებლო მომსახურებები, იურიდიული მხარდაჭერა,

სპორტი და რეკრეაცია, ფინანსური მხარდაჭერა და ასე შემდეგ.

საქართველოს განათლების და მეცნიერების სამინისტროს, ზოგადი განათლების განვითარების სამართველოს სკოლამდელი და ზოგადი განათლების განვითარების დეპარტამენტის „განათლების მიღების მეორე შესაძლებლობა სოციალური ინკლუზიით“ პროგრამის ფარგლებში ჩვენს მიერ დამუშავდა 100 მდე სკოლის მიღმა დარჩენილი ბავშვების შესახებ მონაცემები.